

վարչական տույժ նշանակելու մասին

«19» մայիսի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով Իրանի Իսլամական Հանրապետության քաղաքացի Մահտաբիբախշայեշ Հայդեր Մոհամմադի (անձնագիրը՝ Y53919067, ծնված՝ 06.07.1978թ.) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի հունվարի 08-ին ՀՀ ՊԵԿ ՀՄՎ Մեղրիի մաքսային կետ-բաժնի աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Մահտաբիբախշայեշ Հայդեր Մոհամմադի կողմից շահագործվող «MAN» մակնիշի, 61AA399 պետհամարանիշի ավտոբուսը, ինչի արդյունքում, նշված տրանսպորտային միջոցի /ավտոբուսի/ վարորդների համար նախատեսված հանգստյան խցի կողային մասում հայտնաբերել են մաքսային հսկողությունից թաքցված դեղամիջոցներ՝ «Seretide TM Diskus TM 250 powder for inhalation, 50 micrograms of Salmeterol (as xinafoate) and 250 micrograms of fluticasone propionate gsk» անվամբ՝ 25 տուփ, «Seretide TM MDI 250/25 Fluticasone/Salmeterol xinafoate gsk» անվամբ՝ 1 տուփ, «MASPORT 500» անվամբ՝ 6 տուփ:

Փաստի առթիվ վարորդ ԻԻՀ քաղաքացի Մահտաբիբախշայեշ Հայդեր Մոհամմադի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ իրավախախտման անմիջական օբյեկտ համարվող վերոնշյալ ապրանքներն ի պահ են հանձնվել Մեղրիի մաքսային կետ-բաժնի մաքսային հսկողության տարածքում:

Վարչական վարույթի շրջանակներում «Seretide TM Diskus TM 250 powder for inhalation, 50 micrograms of Salmeterol (as xinafoate) and 250 micrograms of fluticasone propionate gsk» անվամբ՝ 25 տուփ, «Seretide TM MDI 250/25 Fluticasone/Salmeterol xinafoate gsk» անվամբ՝ 1 տուփ, «MASPORT 500» անվամբ՝ 6 տուփ դեղամիջոցների մեջ հոգեմետ նյութերի և դրանց

պրեկլորսորների առկայությունը ու շուկայական արժեքները պարզելու նպատակով 11.01.2022 թվականին նշանակվել է քիմիական և ապրանքագիտական համալիր փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

«Փորձագիտական կենտրոն» ՊՈԱԿ-ի տրամադրած եզրակացության համաձայն փորձաքննության ներկայացված հետազոտելի նմուշները հանդիսանում են գործարանային արտադրության դեղեր և իրենց բաղադրության մեջ թմրամիջոցներ, հոգեմետ (հոգեներգործուն) նյութեր, պրիկլորսորներ, խիստ ներգործող և թունավոր նյութեր չեն պարունակում: Տրամադրվել է միայն «Seretide TM Diskus TM 250 powder for inhalation, 50 micrograms of Salmeterol (as xinafoate) and 250 micrograms of fluticasone propionate gsk» անվամբ դեղամիջոցի շուկայական գինը, իսկ «Seretide TM MDI 250/25 Fluticasone/Salmeterol xinafoate gsk» և «MASPORT 500» դեղամիջոցները փորձագետի կողմից չեն գնահատվել, քանի որ ՀՀ շուկայում դրանց վաճառքի վերաբերյալ տվյալները բացակայում են:

Վարչական վարույթի շրջանակներում թիվ 118 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու «Seretide TM Diskus TM 250 powder for inhalation, 50 micrograms of Salmeterol (as xinafoate) and 250 micrograms of fluticasone propionate gsk» անվամբ՝ 25 տուփ, «Seretide TM MDI 250/25 Fluticasone/Salmeterol xinafoate gsk» անվամբ՝ 1 տուփ, «MASPORT 500» անվամբ՝ 6 տուփ դեղամիջոցների մաքսային արժեքները և վճարման ենթակա մաքսային վճարների չափերը: -

ՀՀ ՊԵԿ Հարավային մաքսատուն-վարչության թիվ 120 մտից համարի տեղեկանքի համաձայն՝ 2022թ հունվարի 08-ի դրությամբ «Seretide TM Diskus TM 250 powder for inhalation, 50 micrograms of Salmeterol (as xinafoate) and 250 micrograms of fluticasone propionate gsk» անվանումով 25 տուփ դեղամիջոցի մաքսային արժեքը կկազմի 292000 ՀՀ դրամ, իսկ «Seretide TM MDI 250/25 Fluticasone/Salmeterol xinafoate gsk» և «MASPORT 500» անվանումներով դեղերի մաքսային արժեքների վերաբերյալ տեղեկատվություն առկա չէ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս,

որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք - տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչությանը՝ նպատակ ունենալով քաղաքացի Մահտաբիբախշայեշ Հայդեր Մոհամմադի վերջին հաշվառման վայրը, ինչպես նաև ՀՀ Կադաստրի կոմիտե՝ նպատակ ունենալով ստանալ տեղեկատվություն քաղաքացի Մահտաբիբախշայեշ Հայդեր Մոհամմադի անվամբ ՀՀ-ում գրանցված գույքի վերաբերյալ:

ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Մահտաբիբախշայեշ Հայդեր Մոհամմադի վերաբերյալ բնակչության պետական ռեգիստրի պահոցում տեղեկություն չկա:

ՀՀ Կադաստրի կոմիտեից տեղեկատվություն է տրամադրել առ այն, որ քաղաքացի Մահտաբիբախշայեշ Հայդեր Մոհամմադի անվամբ գրանցված գույքի ՀՀ-ում առկա չէ:

Քաղաքացի Մահտաբիբախշայեշ Հայդեր Մոհամմադի սահմանահատումների պատմությունը ստանալու նպատակով՝ հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն, համաձայն որի քաղաքացի Մահտաբիբախշայեշ Հայդեր Մոհամմադի 19.05.2022 թվականին ժամը 01:42-ին Ագարակ պետական սահմանի անցման կետով անցել է ՀՀ:

Քաղաքացի Մահտաբիբախշայեշ Հայդեր Մոհամմադին 2022 թվականի մայիսի 19-ին հրավիրվել է ՀՀ ՊԵԿ Հարավային մաքսատուն-վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս պատշաճ ծանուցված լինելով հանդերձ չի ներկայացել:

Այսպիսով, նյութերով պարզվել է, որ 2022 թվականի հունվարի 08-ին քաղաքացի Մահտաբիբախշայեշ Հայդեր Մոհամմադին, մաքսային հսկողությունից թաքցնելով, ՀՀ մաքսային սահմանով տեղափոխել է ընդհանուր՝ 292000 ՀՀ դրամ մաքսային արժեքով ապրանքներ, այսինքն՝ քաղաքացի Մահտաբիբախշայեշ Հայդեր Մոհամմադին թույլ է

տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, ՊԵԿ ՀՄՎ Մեղրիի մաքսակային կետ-բաժնի աշխատակցի կողմից 08.01.2022 թվականին կազմված մաքսային զննման (մաքսային տեսազննման) ակտով, Հարավային մաքսատուն-վարչության թիվ 120 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի՝

1. Մահտաբիբախշայեշ Հայդեր Մոհամմադին (հասցե՝ ԻԻՀ, ք. Թեհրան անձնագիր՝ Y53919067) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ 292000 ՀՀ դրամի չափով:

2. Որոշման մասին հայտնել Մահտաբիբախշայեշ Հայդեր Մոհամմադին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055՝ 292000

ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ ԺԹՊ



ԱՐՏԱՇԵՍ ՂԱՄԲԱՐՅԱՆ